

## Сургуулийн автобусны үйлчилгээний журам

Энэхүү журмын зорилго нь ТомЁ Сургуулийн сурагчдад автобусны үйлчилгээ үзүүлэхтэй холбоотой сургууль, үйлчилгээ үзүүлэгч байгууллага, сурагчид болон сурагчдын эцэг эх, асран хамгаалагчдын харилцааг зохицуулахад оршино.

### 1. Ерөнхий зүйл

- 1.1. Сургуулийн автобусны чиглэлийн хамрах хүрээ нь **Хавсралт 1**-ийн дагуу байна. Хамрах хүрээ нь автобусны үйлчилгээнд хамрагдаж буй хүүхдийн тоо, замын ачаалал, зардал зэргээс хамааран өөрчлөгдөх боломжтой бөгөөд өөрчлөлтийн тухай сурагчдын эцэг эх, асран хамгаалагчид урьдчилан мэдэгдэнэ.
- 1.2. Автобусны маршрут, зогсоол болон цагийн хуваарь урьдчилан батлагдан талуудад танилцуулагдана.
- 1.3. Сургуулийн автобус нь төв зам дагуу, тодорхой заасан зогсоолд сурагчдыг суулгаж, буулгана.
- 1.4. Өглөө сурагчдыг тогтсон зогсоолоос цагийн хуваарийн дагуу тогтсон цагт нь авах бөгөөд цагаасаа хоцорсон сурагчдыг хүлээх боломжгүй болно.
- 1.5. Замын ачааллаас шалтгаалан сурагчдыг зогсоолоос авах, зогсоолд буулгах цаг хойшлох боломжтой.
- 1.6. Автобус бүрт сурагчдыг хариуцсан багш томилогдон аяллын турш хамт явна. Эцэг эх, асран хамгаалагчид энэхүү автобусны багштай холбогдох боломжтой байна.
- 1.7. Автобус үйлчилгээг зөвхөн төлбөрийн үлдэгдэл тооцоогүй, бүртгэлтэй сурагчдад үзүүлнэ.
- 1.8. Хэрэв тухайн маршрутад суудал дүүрсэн тохиолдолд сурагчийг хүлээлгэнд бүртгэн, автобусны суудлын дүүргэлт хангалттай болсон тохиолдолд шинээр автобус захиалах ажлыг сургуулийн захиргаа хийнэ.

### 2. Төлбөр тооцоо

- 2.1. Автобусны өглөө авч, орой хүргэх (хоёр талдаа) нэг өдрийн хөлс нь Яармаг, Нисэх чиглэлд **10'000** төгрөг, бусад чиглэлд **12'000** төгрөг байх ба шатахуун, түлшний үнийн өөрчлөлтөөс шалтгаалан энэ үнэнд өөрчлөлт орох боломжтой бөгөөд өөрчлөлтийн тухай сурагчдын эцэг эх, асран хамгаалагчид урьдчилан мэдэгдэнэ.
- 2.2. Автобусны төлбөрийг 2 сараар тооцон урьдчилан заасан хугацаанд Хаан банкны **5304 836 284** тоот Ж. Бадамлянхуа данс руу шилжүүлэх ба гүйлгээний утга дээр сурагчийн овог нэр, анги, утасны дугаарыг заавал бичнэ.
- 2.3. Өвчтэй, чөлөөтэй, автобуснаас хоцорсон зэрэг автобусны үйлчилгээ аваагүй үеийн төлбөрийг хасч тооцохгүйг анхаарна уу. Хэрвээ сурагч нь дараалан 7 ба түүнээс дээш хоногоор өвчтэй байсан бол эмчийн магадлагааг үндэслэн өвчтэй байсан хоногийн төлбөрийг дараа улирлын төлбөрөөс хасч тооцно.

### 3. Сургуулийн эрх, үүрэг

- 3.1. Сургуулийн автобусны үйлчилгээтэй холбоотой харилцааг зохицуулна.
- 3.2. Сургуулийн автобусны багшийг томилно.
- 3.3. Маршрутыг автобус үйлчилгээний байгууллагатай хамтран гаргана, өөрчлөлтийн талаар эцэг эх, асран хамгаалагч болон бусад талуудад урьдчилан цаг алдалгүй хүргэнэ.

- 3.4. Бага ангийн хүүхдийг орой тосож авалгүй, хүүхдийг эрсдэлд оруулсан үйлдэл нь 2 ба түүнээс дээш давтагдвал автобусны үйлчилгээг цуцлах хүртэл арга хэмжээг авах эрхтэй.

#### **4. Эцэг эх, асран хамгаалагчийн үүрэг**

- 4.1. Эцэг эх, асран хамгаалагчид нь энэхүү журам, автобусны батлагдсан маршрут, цагийн хуваарь болон төлбөрийн мэдээлэлтэй бүрэн танилцсан байна.
- 4.2. Автобусны үйлчилгээ эхлэхээс 2 долоо хоногийн өмнө хүсэлтийг Google forums бөглөж илгээж төлбөр төлснөөр тухайн сурагчийн автобусны суудал баталгаажна.
- 4.3. Бага ангийн сурагчдыг эцэг эх, асран хамгаалагч нь зогсоолд 3-5 минутын өмнө биечлэн хүргэж өгч, орой биечлэн тосож авах үүрэгтэй. Сурагч нь тосож авах хүнгүйгээр буудалд бууснаас үүдэх ямар нэг эрсдлийг сургууль болон автобус үйлчилгээ үзүүлэгч байгууллага хариуцахгүй болно.
- 4.4. Эцэг эхчүүд хүүхдэдээ автобус дотор биеэ зөв авч явах зааварчилгааг өгсөн байна.
- 4.5. Сурагч өвдсөн болон бусад шалтгаанаар автобусанд суухгүй тохиолдолд эцэг эх, асран хамгаалагч нь өмнөх өдөр эсвэл өглөө эрт хариуцсан багш, ажилтанд мэдэгдэнэ.
- 4.6. Хэрэв нэгэнт байгуулсан автобусны гэрээг цуцлах бол үйлчилгээг зогсоох өдрийг эцэг эх, асран хамгаалагч нь сургуулийн захиргаанд албан ёсоор бичгээр 1-ээс доошгүй долоо хоногийн өмнө мэдэгдэнэ. Энэ тохиолдолд төлбөрийн буцаалтыг үлдэгдэл хоногоор тооцон шийдвэрлэнэ.

#### **5. Сурагчийн үүрэг**

- 5.1. Сурагч өглөө автобусны зогсоол дээр 3-5 минутын өмнө ирсэн байна. Орой хичээл тарсны дараа автобус хөтлөх цагаас 5 минутын өмнө автобусанд суусан байна.
- 5.2. Сурагч зөвхөн сургууль дээр буух, гэртээ харих тогтсон маршрутаар, заасан зогсоол дээр бууна. Сурагч автобуснаас бугаад өөрийн аюулгүй байдлыг хариуцах ба зам хөндлөн гардаг бол автобусны араас 3 метрийн зай барьж гарцаар гарна.
- 5.3. Сурагчид бусдад саад учруулахгүйгээр биеэ зөв авч явна.

#### **6. Хариуцсан автобусны багшийн үүрэг**


- 6.1. Автобусаар үйлчлүүлдэг сурагчдыг суух болон буух үед бүртгэнэ. Хэрэв сурагч цагтаа зогсоол дээрээ ирээгүйн улмаас автобусанд суугаагүй бол эцэг эх, асран хамгаалагчид утсаар мэдэгдэнэ.
- 6.2. Хариуцсан автобусны багш сургуулиас өгсөн сурагчдын нэрсээр, тогтоосон маршрутаар, тогтсон зогсоолд сурагчийг буулгах үүрэгтэй. Буудал дээр буусан сурагчийг эцэг эх, асран хамгаалагч тосож аваагүй бол эцэг эх, асран хамгаалагчид утсаар мэдэгдэнэ.
- 6.3. Автобусны үйлчилгээний асуудлаар тавьж буй эцэг эхийн санал хүсэлтийг сургуулийн захиргаанд уламжлах үүрэгтэй. Харин дур мэдэн шийдвэр гаргахгүй.

#### **7. Жолоочийн үүрэг**


- 7.1. Сурагч, зорчигчдын эрүүл ахуй, аюулгүй байдал, тав тухыг хангаж замын хөдөлгөөний дүрмийн дагуу үйлчилнэ.
- 7.2. Жолооч батлагдсан маршрутаас хазайхгүй байх, гадны хүн тээвэрлэхгүй байх үүрэгтэй.
- 7.3. Сурагч, эцэг эх, асран хамгаалагч болон багш, ажилтнуудтай эелдэг боловсон харилцана.

Сургуулийн автобусны чиглэл


Баянмонгол хороолол хүртэлх чиглэл



Зайсан чиглэл



## Нисэх, Шинэ яармаг чиглэл



## Яармаг чиглэл

